

Jasmin Šaljić, zastupnik u Skupštini Kantona Sarajevo
(STRANKA ZA BOSNU I HERCEGOVINU)

SKUPŠTINA KANTONA SARAJEVO
VLADA KANTONA SARAJEVO
Gdin. Nihad Uk, PREMIJER

ZASTUPNIČKA INICIJATIVA

Na osnovu informacija sa terena utvrđen je neravnopravan tretman ratnih vojnih invalida sa različitim kategorijama invaliditeta, a prilikom ostvarivanja prava na dječiji dodatak.

Članom 55. Zakona o dopunskim pravima boraca propisano je da pravo na mjesečna novčana primanja imaju djeca ratnih vojnih invalida sa utvrđenim invaliditetom od 20 do 80 %.

Članom 136. Zakona o socijalnoj zaštiti, zaštiti civilnih žrtava rata i zaštiti porodice sa djecom propisano je da pravo da dodatak na djecu bez obzira na prihode pripada djetetu bez jednog roditelja ili oba roditelja, te porodici u kojoj je jedan od roditelja ili djetete imaju utvrđen invaliditet od najmanje 90%.

U praksi to izgleda ovako.

Djeca čiji roditelji imaju invaliditet ^{od 20-80%} ostvaruju pravo na dječiji dodatak u iznosu od 127,80 KM i koji je za 44 KM veći od djece roditelja koji imaju utvrđeni invaliditet od 90 do 100% (amputirci i osobe u kolicima) čiji dodatak iznosi 84 KM.

Na osnovu gore navedenog očigledno je da postoji neujednačenost/nelogičnost kod ostvarivanja istog prava (dječiji dodatak).

S toga predlažem unificiranje prava bilo kod Ministarstva za rad i socijalnu zaštitu ili kod Ministarstva za boračka pitanja, te da se o ovoj inicijativi opredijeli Vlada KS uz učešće i dogovor navedenih ministarstava.

Pošto se radi o vojnim kategorijama logično bi bilo da se izmjenom i dopunom Zakona o dopunskim pravima boraca propiše da pravo na mjesečna novčana primanja imaju djeca ratnih vojnih invalida sa utvrđenim invaliditetom od 20 do 100 %, djeca bez jednog ili oba roditelja u porodicama šehida, porodicama poginulih, umrlih i nestalih branioca, bez obzira na imovinski cenzus.

Korisnici koji ostvare gore navedeno pravo ne mogu isto osvariti po Zakonu o socijalnoj zaštiti, zaštiti civilnih žrtava rata, zaštiti porodice sa djecom.

JASMIN ŠALJIĆ

Sarajevo, 16. 06. 2025. godine